

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK**

Broj: 02-45-3863/24
Zenica, 26.02.2024. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), člana 234. i 247. Zakona o privrednim društvima ("Službene novine Federacije BiH", broj: 81/15 i 75/21), a u vezi sa odredbom člana 23., 25. i 27. Statuta Javnog preduzeća za prostorno planiranje i uređenje grada „Zenica“ d.o.o. Zenica, broj: („Službene novine Federacije BiH“, broj: 4/15 i „Službene novine Grada Zenica“, broj: 6/08, 10/11, 4/15, 4/18, 7/18, 7/20 i 10/21), u postupku izbora i imenovanja Nadzornog odbora Javnog preduzeća za prostorno planiranje i uređenje grada „Zenica“ d.o.o. Zenica, Gradonačelnik Grada Zenice objavljuje

O G L A S

**za izbor i imenovanje Nadzornog odbora
Javnog preduzeća za prostorno planiranje i uređenje grada „Zenica“ d.o.o. Zenica**

Objavljuje se Oglas za izbor i imenovanje Nadzornog odbora Javnog preduzeća za prostorno planiranje i uređenje grada „Zenica“ d.o.o. Zenica.

Nadzorni odbor Javnog preduzeća za prostorno planiranje i uređenje grada „Zenica“ d.o.o. Zenica se sastoji od tri člana (predsjednik i dva člana).

Nadzorni odbor Preduzeća imenuje se na period od četiri godine.

I OPIS POZICIJE

Nadzorni odbor Javnog preduzeća za prostorno planiranje i uređenje grada „Zenica“ d.o.o. Zenica ima sljedeće nadležnosti: nadzire rad Uprave i poslovanje Preduzeća, priprema i predlaže Etički kodeks, Statut Preduzeća, poslovničke i druge akte koje usvaja Skupština, imenuje i učestvuje u razrješavanju članova Uprave u skladu sa postupkom utvrđenim kao Zakonom, ovim Statutom i drugim važećim propisima, vrši izbor kandidata Odbora za reviziju i nezavisnog revizora i podnosi Skupštini prijedlog za imenovanje, utvrđuje cijenu pratećih usluga koje Preduzeće obavlja, donosi provedbeni propis za postupak javnih nabavki i nadzire njegovo provođenje, daje mišljenje Skupštini o prijedlogu Uprave za raspodjelu dobiti, te predlaže način pokrivanja gubitaka, daje upute Upravi za provođenje mjera i aktivnosti prilikom uočenih nepravilnosti, daje ovlaštenja direktoru Preduzeća za aktivnosti koje su ograničene Zakonom o javnim preduzećima, nadzire Upravu u provođenju preporuka datih od strane Odbora za reviziju i nezavisnog revizora, usvaja izvještaj Uprave o poslovanju po polugodišnjem i godišnjem obračunu, sa bilansom stanja i bilansom uspjeha i izvještaja revizije, podnosi Skupštini godišnji izvještaj o poslovanju koji obavezno uključuje izvještaj revizora, izvještaj o radu Nadzornog odbora i Odbora za reviziju, i plan poslovanja za narednu poslovnu godinu u okvirima postojećeg plana i revidiranog plana, donosi prijedlog trogodišnjeg plana poslovanja i usvaja godišnje planove poslovanja, odobrava kupovinu, prodaju, zamjenu, uzimanje u lizing, davanje u lizing, uzimanje kredita i druge transakcije imovine, u toku poslovne godine u obimu 15% do 33% knjigovodstvene vrijednosti ukupne imovine Preduzeća, na prijedlog direktora Preduzeća, a uz obaveznu saglasnost Skupštine, donosi opće akte kojima se regulišu unutrašnja organizacija i sistematizacija radnih mjesta, plaća i naknada radnika, odlučuje o ostalim pitanjima u skladu sa Zakonom.

Kandidati za imenovanje moraju ispunjavati:

- opće i
- posebne uslove.

II Opći uslovi za imenovanje su:

1. da je stariji od 18 godina,
2. da je državljanin Bosne i Hercegovine,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije objavljivanja upražnjenje pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13),
6. da nema privatni-finansijski interes u Preduzeću u čiji se nadzorni odbor kandiduje,
7. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti Federacije BiH ("Službene novine Federacije BiH", broj: 70/08),
8. da nije član nadzornog ili upravnog odbora ili odbora za reviziju ili skupštine, uprave ili menadžmenta, niti u svojstvu ovlaštene osobe nekog privrednog društva ili institucije,
9. da nije osuđivan za krivično djelo i za prekršaj nespojiv sa dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne,
10. da nije lice kojem je presudom suda zabranjeno obavljanje aktivnosti u nadležnosti nadzornog odbora,
11. da nije stariji od 70 godina na dan imenovanja.

III Posebni uslovi za imenovanje:

- VSS-VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja,
- najmanje tri (3) godine radnog iskustva u struci nakon sticanja visoke stručne spreme, odnosno visokog obrazovanja,
- da kandidat posjeduje certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova nadzornog odbora i uprava privrednih društava sa učešćem državnog kapitala ("Službene novine Federacije BiH", broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).
Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od šest mjeseci od dana imenovanja proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidatu u postupku usavršavanja iz člana 7a. Uredbe,
- sposobnost za savjesno, odgovorno i odlučno obavljanje upražnjene pozicije,
- sposobnost nepristrasnog donošenja odluka,
- komunikacijske i organizacijske sposobnosti,
- rezultati rada ostvareni tokom poslovne karijere,
- da posjeduje znanje iz oblasti rada i organizacije Preduzeća,
- preporuke ranijih neposrednih rukovodilaca.

IV Potrebni dokumenti:

Svojeručno potpisana prijava kandidata treba da sadrži kraću biografiju, adresu i kontakt telefon.

Uz potpisanu prijavu kandidati trebaju dostaviti:

1. diplomu o završenom visokom obrazovanju,
2. dokaz o traženom radnom iskustvu (potvrda iz koje se može utvrditi radno mjesto, tražena stručna sprema za radno mjesto i dužina radnog iskustva),
3. uvjerenje o državljanstvu (ne starije od 6 mjeseci),

4. certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova nadzornog odbora i uprava privrednih društava sa učešćem državnog kapitala ("Službene novine Federacije BiH", broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).
Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od šest mjeseci od dana imenovanja na poziciju proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidatu u postupku usavršavanja iz člana 7a. Uredbe (izjava ne smije biti starija od datuma objave ovog Oglasa).
5. izjavu kandidata ovjerenu od strane nadležnog organa o činjenicama nabrojanim u tačkama 3. do 8. Općih uslova Oglasa (sve navedene izjave mogu biti tekstualno sadržane na jednom ovjerenom listu i ne smiju biti starije od datuma objave ovog Oglasa).

Uvjerenja kojim se dokazuje ispunjenost općih uslova za imenovanje iz tačke 9. i 10., odgovorni javni službenik će zatražiti od kandidata koji budu predloženi za konačno imenovanje. Kandidati koji budu izabrani dužni su dostaviti tražena uvjerenja u roku od 5 dana od dana izbora i ista ne smiju biti starija od datuma objavljivanja Oglasa.

Dokumenti koji se prilažu uz prijavu na Oglas moraju biti originali ili ovjerene kopije.

Oglas za podnošenje prijave ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH“, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave neće se uzeti u razmatranje.

Kandidati koji ispunjavaju uslove Oglasa bit će telefonski i pismeno obaviješteni o mjestu i vremenu održavanja intervjua.

Prijavu na Oglas sa svim traženim dokumentima potrebno je dostaviti lično ili preporučeno poštom na adresu:

GRAD ZENICA
Služba kabineta Gradonačelnika
Trg Bosne i Hercegovine broj 6.
72 000 Zenica,
- Komisija za izbor -
sa naznakom:

**"Prijava na Oglas za izbor i imenovanje Nadzornog odbora
Javnog preduzeća za prostorno planiranje i uređenje grada „Zenica“ d.o.o. Zenica - NE OTVARATI"**

GRADONAČELNIK
Fuad Kasumović